



Cumün da Valsot

Poz 86 • CH-7556 Ramosch

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 20.12.2017

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
	012 Executiva	
184	Acconsentimaint protocol	
	021 Administraziun da fabrica	
185	Dum. da fabrica no. 073/2015, garascha suotterrana e suost per veiculs, Koch Nicola, parcella 158, Plajet, 7556 Ramosch Dumonda per müdamaint da proget	fr/ap
	021 Administraziun da fabrica	
186	Dum. da fabrica no. 051/2017, chamonna da lat, müdamaints da fabrica, Häfner Fadri, parcella 10397, Chant Dadaint, 7556 Ramosch	vp/ap
	021 Administraziun da fabrica	
187	Dum. da fabrica no. 059/2017, portas d'uschöls i'l tablà, Wieser Marco, parcella no. 10, Bügl Cuosp 166B, 7557 Vnà	vp/ap
	200 Scoula	
188	Magistraglia Cussagl da scoula	vp/mf
	900 Impostas cumünalas	
189	Relasch d'impostas cumünalas	vp/mf
	942 Stabels da la facultà da finanzas	
190	Cas da concuors Plont a regard cessiun dals drets da creditur	vp/mf
	012 Executiva	
191	Orientaziuns	tuots
	012 Executiva	
192	Varia (suprastanza cumünala)	tuots

012 Executiva

184 **Acconsentimaint protocol**

Il protocol da la sezzüda dals 4 da december 2017 vegn approvà.

021 Administraziun da fabrica

185 **Dum. da fabrica no. 073/2015, garascha suotterrana e suost per veiculs, Koch Nicola, parcella 158, Plajet, 7556 Ramosch**
Dumonda per müdamaint da proget

Il capo, Victor Peer ed il vicecapo, Armon Mayer piglian recusaziun.

Nos cusgliader giuridic ha redigi il decret da fabrica, il qual la suprastanza repassa. Il spazi tanter ils duos objects sto gnir impli. Il patrun da fabrica prevezza da far quai cul material «MISAPOR». La suprastanza es perincletta cun quai.

Ella decida d'approvar il decret sco preschantà resp. da refüsar il recuors inoltrà e da conceder il permiss da fabrica.

021 Administraziun da fabrica

186 **Dum. da fabrica no. 051/2017, chamonna da lat, müdamaints da fabrica, Häfner Fadri, parcella 10397, Chant Dadaint, 7556 Ramosch**

Il büro giuridic, ha redigi il decret da fabrica, il qual la suprastanza repassa. Ella es perincletta cun quai. Il petent ha effetuà lavuors da fabrica sainza avair obtgnü ün permiss. Sün pretaisa dal cumün ha lura quel inoltrà üna dumonda da fabrica per suottametter al proceder dal BAB. Fingjà da l'on 1997 vaiva l'anterior cumün da Ramosch refüsà üna dumonda da fabrica cun decret. Quel decret es adüna amo in vigur legala e davart da l'uffizi per il svilup dal territori esa gnü confermà cha eir our da lur punct da vista saja quel amo adüna valabel.

La suprastanza decida d'approvar il decret sco preschantà e da refüsar uschè la dumonda da fabrica.

021 Administraziun da fabrica

187 **Dum. da fabrica no. 059/2017, portas d'uschöls i'l tablà, Wieser Marco, parcella no. 10, Bügl Cuosp 166B, 7557 Vnà**

La suprastanza vaiva refüsà la dumonda per construir üna front da fanestras i'l tablà. Il patrun da fabrica vaiva lura in seguit inoltrà üna dumonda pel müdamaint dal proget. Quel prevezzaiva las fanestras per bainquant plü pitschnas (be plü per ca. 1/3 part da la surfatscha da vaider previssa oriundamaing) e cun uschöls.

La suprastanza d'eira lura rivada a la conclusiun cha:

1. I nu's tratta qua d'ingün müdamaint d'adöver. Schi nu müda l'adöver dal tablà nu pon simils permiss gnir concess.
2. I's trattess qua d'ün cas da prgüdizi ed ultra da quai nun es quai pussibel da far controllas permanentas da l'object.

Ella vaiva lura decis da refüsar eir quella dumonda.

Ultra da quai esa da manzunar, cha davart da la cumischiun da privel d'eira gnü infuormà, cha schi nu dà ingün müdamaint d'adöver dal tablà nu vain valütada la situaziun da privel. La suprastanza es pronta da trattar la dumonda in connex cul intent per fabricar oura il tablà.

Uossa ha il petent inoltrà pella terza jada la dumonda. Quista jada es l'intent unicamaing d'installar 2 portas d'uschöls i'l tablà sainza fanestras ed ultra da quai d'installar üna pitschna saiv da protecziun. Id es da manzunar, cha simils cas d'eiran gnüts acconsentits eir in otras fracziuns. Uschè decida la suprastanza da conceder il permiss da fabrica.

- 200 Scoula
188 **Magistraglia**
Cussagl da scoula

In basa d'üna dumonda dal cussagl da scoula ha la suprastanza cumünala stuvü s'occupar da problems persunals.

- 900 Impostas cumünalas
189 **Relasch d'impostas cumünalas**

Il manzunà nu vaiva inoltrà ingüna decleranza d'impostas, quai chi ha chaschunà il fat, cha quel es gnü taxà da l'uffizi e quai bler mass'ot. Il Chantun ha relaschà l'imposta chantunala. Uossa dumonda il servezzan social regional EB/VM pel relasch da l'imposta cumünala. La suprastanza decida da relaschar la somma da l'imposta cumünala.

- 942 Stabels da la facultà da finanzas
190 **Cas da concuors**
Plont a regard cessiun dals drets da creditur

Inscripziun d'ün dret da pegn da mansterans da construcziun

La trattativa d'instrucziun dal tribunal regional ha gnü lö ultimamaing. Il vicecapo, Armon Mayer, ha rapreschantà al cumün ed el infuormescha sur da la tschandada dal tribunal. Uossa ha quel protramiss il protocol da quella trattativa. Ils crediturs, pro'ls quals figüra eir il cumün, ston uossa decider, sch'els voutan plondscher in plain savoir, cha pro la perdita dal plont ston quels surtour ils cuosts dal proceder. Otramaing han quels da decider resp. da dar giò la decleranza in scrit ch'els desistan dals drets da creditur.

La suprastanza riva a la conclusiun chi nu fa sen da cuntinuar cul proceder e chi nu rest'oter co da desister da quai. Ella decida da confermar in scrit il desist da l'ulteriur proceder in fatschenda.

- 012 Executiva
191 **Orientaziuns**

Proget Löin

L'actuar infuormescha, cha Martina Schlapbach ed Andreas Brechbühl sun stats in büro cumünal. Duonna Martina s'ha annunzchada sco nouv'abitanta da nos cumün e quai sùls 15 da december 2017. Cun data d'hoz han quels eir firmà il contrat da cumprita da la chasa da la bieraria a Tschlin. La sezzüda giavüschada d'els duos amo quist on ha stuvü gnir suspaisa sül mais schner 2018.

Veiculs parcats a Tschlin

Armon Kirchen surdà fotografias da veiculs chi sun adüna parcats davant üna chasa. Quels as rechattan per part sülla via cumünala e disturban il trafic sco eir lavuors da nettiament e da rumida da naiv. La suprastanza decida da pretender in scrit dal possessur da schoglier quella situaziun.

ACEB – object a S-chadatsch


Il capo infuormescha sur da seis aboccamaint ch'el ha gnü cul president dal ACEB, Jon Duri Tratschin. Da quella vart esa gnü infuormà cha la fatschenda cul cumün da Scuol nu saja amo sclerida e chi bsögna amo pazienza.

012 Executiva

192 **Varia (suprastanza cumünala)**Proget «aua minerala indigena»

Fadri Riatsch infuormescha sur da l'intent davart dal TESSVM, dimena da realisar la vendita d'aua indigena. L'idea füss da laschar imbutigliar quella da la bieraria Tschlin e la dumonda es, scha'l cumün gess in princip d'accord da prestar ün sustegn vi da l'indriz necessari per implir quella cun oxigen. La suprastanza es da l'avis cha quella fatschenda sto sgür amo gnir examinada plü a fuond ant co chi's piglia in ögl ün'ev. decisiun.

7556 Ramosch, 04.01.2018



Il capo:

Il manader administraziun: